

କଲସୀୟମାନଙ୍କ ନିକଟକୁ ପାଉଲଙ୍କ ପତ୍ର କଲସିୟ ଲୋକା ଲାକ୍ତୁ ପାଉଲତି ଆକୁ

କଲସିୟ ଆକୁ ବିସୟତାନ୍ ଏସ ମାଟା

କଲସିୟ ଲାକ୍ତୁ ରାସ୍ତିମାନି ବଇ ଆଜିନାତ୍ ପାଉଲତି ମାଣାନ୍ ରାସାତି ବଇ ଇକା ୧:୧ । ପାଉଲ ଆନାତ୍ ସୁଗି ଜିସୁ କ୍ରିସ୍ତଦି ଜନମ୍ ଝେନ୍‌କା ପାକାପାକି ୬୦ ବାର୍ସେକ୍ ରମ୍ ଗାଡ଼ଦୁ ମାନି ବେଡ଼ାଦୁ ଝାନ୍ ଇୟା ବଇ ରାସାତା ମାର୍ହାନ୍ । କଲସି ବଇଦି ଝାଲେ ଏପିସିୟ ମାରି ପିଲିପିୟ ବଇଦିଙ୍ଗ୍ ଜଇଲ୍‌ତି ବଇ ଇଜି ଇନାର୍ ଇରିଙ୍ଗ୍ ପାଉଲ ଜଇଲ୍‌ତୁ ମାନି ବେଡ଼ାଦୁ ଇୟା ବଇ ରାସାତା ମାର୍‌ଆନ୍ । ଝାନ୍ କଲସିୟ ଗାଡ଼ଦୁ ମାନି ମଣ୍ଡଲି ଲାକ୍ତୁ ଇୟା ବଇ ରାସ୍ତା ମାର୍‌ଆନ୍ । ପାଉଲ ଝାନ୍ ଇୟା ମଣ୍ଡଲିଦିଙ୍ଗ୍ ଆରାମ୍ କିଏନ୍ ମାର୍ହାନ୍ ଆମାକା ଇକା ୨:୧ ମାନାତ୍, ମାତର୍ ନାଣ୍ଟ ଲୋକୁ ଆବେନ୍‌ ଝାନି ଦାଇତ୍ ତେବାତିମାନି ମାଟା ଏଡ଼ କିନାର୍ । ଏପାପ୍ରସ ଇୟା ମଣ୍ଡଲି ତିଆର୍ କିତାମାର୍ହାନ୍ ଆଦେଙ୍ଗ୍ ଝାନ୍ କଲସିୟଦି ଲୋକୁ ମାର୍ହାନ୍ ।

ପାଉଲ କଲସିୟ ମଣ୍ଡଲିଦୁ ଏସ ମିର୍ ସାକି ବିସୟତାନ୍ ସିନ୍ତା ମାନାନ୍ । ଝାନ୍ ଇୟା ବିସୟତାନ୍ ବଇ ରାସ୍ତି ଉଣ୍ଡିଙ୍ଗ୍ ନାଣ୍ଟ ବେଡ଼ା କାଟେ କିତାମାନାନ୍ । ଇବେନ୍‌ ଆଦେଙ୍ଗ୍ ଆବ୍‌ନାତ୍ ଉନ୍‌ଡ୍ରୁ ଦଲ୍ ଜିହୁଦି କ୍ରିସ୍ତୁଆନ୍ ଆମାକାର୍‌କି ଆଇ କ୍ରିସ୍ତୁଆନ୍ ଲୋକାଙ୍ଗ୍ ପାଡ଼ିଇ ନିୟମ୍‌ଦି ଜିହୁଦି ନିୟମ୍‌ତିଙ୍ଗ୍, ନେସ୍‌ନିଝାଜା ସୁନ୍ନତ ରିତିନିତିଦିଙ୍ଗ୍ ମାନାଦେଙ୍ଗ୍ ଇଜି ଝେର୍‌ତେଙ୍ଗ୍ ସେସ୍ତା କିଜିମାର୍ହାର୍ । ପାଉଲ ନେସ୍‌ନିଝାଜା ଦର୍କାର୍ ସିଲି କ୍ରିସ୍ତୁଆନ୍ ବିସୟତାନ୍ ରାସ୍‌ନାନ୍, ଅରେନ୍ ଏନ୍ ଆତିଙ୍ଗ୍‌ବା କ୍ରିସ୍ତଦିଙ୍ଗ୍ ଡିସ୍‌ତିଙ୍ଗ୍ ମାପୁରୁଦି ଲାକ୍ତୁ ନେଗିକାନ୍ ଆଦେଙ୍ଗ୍ ଆବ୍‌ଏନ୍ ୧:୧୫-୨୦ ମାରି ଲୋକ୍‌ଦି ଆସ୍‌ସିମାନି ମାଣାନ୍ ତିଆର୍‌ଆତି ସିକ୍‌ୟା ବେକାର୍ ଆନାତ୍ ୨:୮ ।

ଇୟା ଆକୁଦୁ ମାନି ଏସ ମୁକିୟ ବିସୟ

୧. କଲସିୟ ମଣ୍ଡଳିଦିଙ୍କ ପାଉଲତି ମାଡ଼ିସକିନିକା । ୧:୧-୨
 ୨. କ୍ରିସ୍ତଦି ପେରିକା ନି ମିର୍ ସାକି ମୁସକୁ ପାଉଲଦି ମାଟାଦିଙ୍କ ମାଟା ଆତାନ୍ । ୧:୩-୩:୪
 ୩. ପୁରାନେଗି କ୍ରିସ୍ତୁଆନ୍ ଜିବନ୍ତୁ ଜିନିମାଡ଼ିନି ଉଣ୍ଡିଙ୍କ ପାଉଲତି ମାଟା । ୩:୫-୪:୬
 ୪. ପାଉଲ ଇୟା ବଇଦିଙ୍କ ଆଇ ମଣ୍ଡଳିଦୁ ବା ପଡ଼ାଦେଙ୍କ ଝେର୍ସି ମାଡ଼ିସକିନିକା ଝେର୍ସି ଝିସ୍ନାନ୍ । ୪:୭-୧୮

୧ ମାପୁରୁଦି ବଦାଦାନ୍ କ୍ରିସ୍ତ ଜିସୁଦି ଅରେନ୍ ପ୍ରେରିତ ସିସୁ, ପାଉଲ ମାରି ତଡ଼ାନ୍ ତିମତି

୨ କଲସିଦୁ ମାନି ସାବୁରିଙ୍କ ମାରି କ୍ରିସ୍ତବିସ୍ବାସସିର୍ ତଡ଼ାନ୍କୁ ନି ତାଜିକ ଲାକ୍ତୁ ଇୟା ଆକୁ ରାସସିନାନ୍,
 ମା ବୁବା ମାପୁରୁମାଣୁକୁ ଦୟା ମାରି ସାନ୍ତି ମି ଉଣ୍ଡିଙ୍କ ଆପିତ ।

ଦନ୍ୟବାଦ୍ ସିନି ପାର୍ତାନା

୩ ମାପୁ ମି ଉଣ୍ଡିଙ୍କ ପାର୍ତାନା କିଜି ମା ପ୍ରବୁ ଜିସୁ କ୍ରିସ୍ତଦି ବୁବା ମାପୁରୁଙ୍କୁ ଝିନ୍ଦୁଦିନ୍ ଦନ୍ୟବାଦ୍ ସିଜିନାପ୍;

୪ ଇରିଙ୍କ କ୍ରିସ୍ତ ଜିସୁଦିମାନ୍ ମି ବିସ୍ବାସ ମାରି ମାପୁରୁଦି ଝିଜେରି ଲୋକା ଉଣ୍ଡିଙ୍କ ଜିବନ୍ଦନି ବିସୟ ଝେର୍ହାମାନାପ୍,

୫ ଏସିଝାଲେ ସୁସମାଚାର୍ତି ସଡ଼ ବାକ୍ୟ ମି ଲାକ୍ତୁ ଆଗ୍ତି ଝାତାଡ଼, ମିର୍ ଆୟାମାଣାନ୍ ସିଆୟାଆତିମାନି ଆସାଦି ମାଟା ଝେରଇମାରଇଦେର୍ । ମିର୍ ଆମାକା ଆସା କିନିଦେର୍, ଆମାକା ମି ଉଣ୍ଡିଙ୍କ ମୁସକୁପୁର୍ତୁ ନେଗେନ୍ ତେବାନାଡ଼, ତାନି ମୁସକୁ ମି ବିସ୍ବାସ ମାରି ଜିବନ୍ନୋନିକା ତିଆର୍ଆତାମାନାଡ଼ ।

୬ ଆମା ସୁସମାଚାର୍ ପ୍ରଚାର୍ତି ଉଣ୍ଡିଙ୍କ ମିର୍ ଆଗ୍ତିନେ ମାପୁରୁଦି ଦୟା ବିସୟ ଝେରଇଦେର୍ ମାରି ତେନି ସଡ଼ତିକା ଅଡ଼ବିତିଦେର୍, ଆୟା ସୁସମାଚାର୍ ଇଲେଇ ସାରା ଜଗଡ଼ୁ ଝେଙ୍ଗ ତାମାନାଡ଼ ମାରି ଆସ ବାଦ୍ ତାସିନାଡ଼ ।

୭ ମା ତରିଟାନ୍ କ୍ରିସ୍ତଦି ଅରେନ୍ ବିସ୍ବାସତାନ୍ ସେବାକିନିକାନ୍ ମାରି ମା ଲାଡ଼ତି ଅର୍ସେପାଣିକିନି ଏପାପ୍ତାଦିମାଣ୍ନା ମିର୍ ମାପୁରୁଦି ଆୟା ଦୟା ବିସୟ କିତିମାନିଦେର୍;

☆ ୧:୭ କଲସିୟ ୪:୧୨; ପିଲିମନ ୧:୨୩.

୮ ପବିତ୍ର ଆତ୍ମା ମିଳି ସିତିମାନି ଜିବନ୍‌ନୋନି ବିସୟତାନ୍ ଖାନ୍ ମାଙ୍ଗୁଁ ଖେରତାମାନାନ୍ ।

୯ ଇୟାଉଣ୍ଡିଙ୍ଗ୍ ମି ବିସୟତାନ୍ ଖେନି ନାଣ୍ଡିରାନ୍ ମାପ୍ ବା ମି ଉଣ୍ଡିଙ୍ଗ୍ ଝିନ୍ଦୁଦିନ୍ ପାରତାନ୍ କିଜିନାପ୍ । ପବିତ୍ରଆତ୍ମା ସିତିମାନି ଝିନ୍ଦୁ ବୁଦି ମାରି ବୁଜାନି ସାକ୍ତିଦାନ୍ ମାପୁରୁଦି ବଦା ପୁରାଦାନ୍ ମିର୍ ଏଣ୍ଡେସ୍ ନେସ୍‌ଡେଙ୍ଗ୍ ଆଟ୍‌ନିଦେର୍, ଇୟାଉଣ୍ଡିଙ୍ଗ୍ ମି ଉଣ୍ଡିଙ୍ଗ୍ ମାପ୍ ପାରତନା କିଜିନାପ୍ ।

୧୦ ଆର୍ଡିଙ୍ଗ୍, ମିର୍ ପ୍ରବୁଦି ବଦାଦି ଖାଜା ଜିଦେଙ୍ଗ୍ ଆଟ୍‌ନିଦେର୍ ମାରି ଖାନି ଖେଡିକାଦି ପାଣି କିଦେଙ୍ଗ୍ ଆଟ୍‌ନିଦେର୍ । ମିର୍ ଜିବନ୍‌ତୁ ଝିନ୍ଦୁ ରକମ୍‌ତି ନେଗି ପାଣି କିଦେଙ୍ଗ୍ ଆଟ୍‌ନିଦେର୍ ମାରି ମାପୁରୁଦି ବିସୟତାନ୍ ମି ବୁଦି ପିରନାଡ୍ ।

୧୧ ମାରି ଝିନ୍ଦୁ ବିସୟତୁ ମିର୍ ଏଣ୍ଡେସ୍ ସାସତାନ୍ ମାରି ସାସ୍ କିଦେଙ୍ଗ୍ ଆଟ୍‌ନିଦେର୍, ଇୟାଉଣ୍ଡିଙ୍ଗ୍ ଖାନି ଗୌରବ୍‌ଦି ସାକ୍ତି ଦାନ୍ ମିର୍ ବପୁ ଆତ୍ମା,

୧୨ ମାରି ଆତ୍ମା ବୁବା ମାପୁରୁ ଜାୟତି ରାଜିବୁ ଖାନି ଲୋକା ଉଣ୍ଡିଙ୍ଗ୍ ଆମାକା ରକିୟାକିଜି ଇଟ୍‌ତାମାନାନ୍, ଖାନି ମିସାନି ଉଣ୍ଡିଙ୍ଗ୍ ଖାନ୍ ଜେ ମିଙ୍ଗୁଁ ଆସ୍‌କିତାମାନାନ୍, ଇୟାଉଣ୍ଡିଙ୍ଗ୍ ଖାନିଙ୍ଗ୍ ଖେଡିକାଦି ଖାଲେ ଦନ୍‌ସବାଦ୍ ସିବୁ ।

୧୩ ଖାନ୍ ମାଙ୍ଗୁଁ ସିକାଟିଦି ସାକ୍ତିଦାନ୍ ଉଦାର୍ କିତାମାନାନ୍ ମାରି ତିରତାନ୍ ମାଙ୍ଗୁଁ ଖାନି ଲାଡ୍‌ତି ମାରିନ୍‌ତି ରାଜିବୁ ତାତାମାନାନ୍,

୧୪ ☆ଆୟା ମାରିନ୍‌ତି ମାଣାନ୍ ମାପୁ ମୁକୁଡାତା ମାନାପ୍, ମାରି, ମା ପାପ୍ କେମା ଆତାମାନାପ୍ ।

କ୍ରିସ୍ତ ମାରି ଖାନି ପାଣି

୧୫ କ୍ରିସ୍ତ ତରାୟଆଇ ମାପୁରୁଦି ତରାଇଆନି ମୁତ୍‌ଝାଜା, ଖାନ୍ ଆର୍ଡି ଜନମ୍‌ଆତି ମାରିନ୍, ଝିନ୍ଦୁ ଗାଡ୍‌ଆତିମାନି ବିସୟତିମାଣ୍‌କୁ ପେରିକାନ୍ ।

୧୬ ଇରିଙ୍ଗ୍ ଖାନି ମାଣାନ୍ ମାପୁରୁ ମୁସକୁପୁରତୁ ନି ଦୁନିଆବୁ ଝିନ୍ଦୁ ତରାନିକା ମାରି ତରାଇକା ଜିନିସ୍, ଆତ୍ମାଦି ସାକ୍ତିଝିନ୍ଦୁ, ସାଲାକିନିମାଲିକ୍, ସାସନ୍‌କିନିକାର୍ ମାରି ଝିନ୍ଦୁ ଅଦିକାରିରିଙ୍ଗ୍ ତିଆର୍

କିତାନ୍ । ଖ୍ରୀନି ମାଣ୍ଡୁକୁ ମାରି ଖ୍ରୀନି ଉଣ୍ଡିଙ୍ଗ୍ ମାପୁରୁ ସାରାଦୁନିଆଦିଙ୍ଗ୍ ତିଆର୍ କିତାନ୍ ।

୧୭ ଖ୍ରୀନି ବିସୟ୍ ତିଆର୍ ଆନି ଆଗ୍ତିନେ କ୍ରିସ୍ତ ମାନାନ୍ ମାରି ଖ୍ରୀନିଖାଲେ ମିସାନି ମାଣାନ୍ ଖ୍ରୀନି ବିସୟ୍ ନିଜେ ନିଜେଦି ଗାଡ଼ିଆତିମାନି ବାଡ଼ିଦୁ ମାନେ ।

୧୮ ☆ମାରି, ଖ୍ରୀନ୍ ଖ୍ରୀନି ପାରତନା କିନି ମଣ୍ଡୁଲିଖାଜା ମେନ୍ଦଲ୍ତି ତାଲା, ଆୟା ମେନ୍ଦଲ୍ତି ଖ୍ରୀନ୍ ଜିବନ୍ ସାଲ୍ତି, ସାତିଖାରିମାଣାନ୍କୁ ଖ୍ରୀନ୍ ପାରତୁମ୍ ଜନମ୍ ଆତିମାନି କଡ଼, ଖ୍ରୀନି ବିସୟ୍ ପାରତୁମ୍ ବାତି ପୟ୍ନି ଉଣ୍ଡିଙ୍ଗ୍ ଆଗ୍ତିଆନାନ୍ ।

୧୯ ଇରିଙ୍ଗ୍ ମାପୁରୁଦି ବଦା ଇସାବ୍ତାନ ମାରିନ୍ ନିଜେ ମାପୁରୁଦି ପୁରାଗୁଣ୍ ଆସ୍ତାମାନାନ୍ ।

୨୦ ☆ମାରିନ୍ତି ମାଣ୍ଡୁକୁ ମାପୁରୁ ସାରାଦୁନିଆଦିଙ୍ଗ୍ ନିଜେଦି ଲାକ୍ତୁ ଡେସି ତାତେଙ୍ଗ୍ ଇଜି ତିର୍ କିତାନ୍, କ୍ରସକାଟୁ ଖ୍ରୀନି ମାରିନ୍ତି ସାତିମାଣାନ୍ ମାପୁରୁ ସାନ୍ତି ତିଆର୍ କିତାମାନାନ୍ ମାରି ପୃତିବି ନି ମୁସକ୍ତୁପୁରୁ ମାନି ଖ୍ରୀନି ବିସୟ୍ତିଙ୍ଗ୍ ନିଜେଦି ଲାକ୍ତୁ ଡେସି ତାତାମାନାନ୍ ।

୨୧ ଉନ୍ତେ ବେଡ଼ାଦୁ ତାଗ୍ଲ ପାଣି ନି ତାଗ୍ଲ ସିନ୍ତା କିଜିମାନିଙ୍ଗ୍ ମିର୍ ମାପୁରୁଦିମାଣ୍ଡୁ ଆକ ମାର୍ଜଦେର୍ ମାରି ଖ୍ରୀନି ସାତୁ ମାର୍ଜଦେର୍ ।

୨୨ ମାତର୍ ଇଲେଇ ଖ୍ରୀନ୍ ମିଙ୍ଗ୍ ବା ଖ୍ରୀନି ଆଗ୍ତି ପବିତ୍ର, ନିନ୍ଦା ମାରି ଦସ୍ତଲିକା କିଜି ତାନି ଉଣ୍ଡିଙ୍ଗ୍ ଖ୍ରୀନି ମାରିନ୍ତି ମେନ୍ଦଲ୍ତାନ ସାତି ମାଣ୍ଡୁ ମିଙ୍ଗ୍ ନିଜେଦି ଖାଲେ ମାରିଡେସି ମିସାକିତା ମାନାନ୍ ।

୨୩ ମିର୍ ଏସକାଙ୍ଗ୍ ବିସ୍ବାସ୍ତାନ କୁନାଦି ମାରି ତାଟ୍ତାନ ତେବାଜି ମାରି ସୁସମାତାର୍ ଖେନି ଖାଲେ ଆମା ଆସା କିତିମାର୍ଜଦେର୍, ଆବେଟ୍ଟୁ ତିଲାମାଟ୍ । ଆରତିଙ୍ଗ୍ ଏଣ୍ଡେସବା ଇୟାଖ୍ରୀନି ଫଲ୍ ପୟ୍ନିଦେର୍; ଆୟା ସୁସମାତାର୍ ନେ ସାରା ପୃତିବିଦି ଖ୍ରୀନି ଲାକ୍ତୁ ପ୍ରତାର୍ ଆତାମାନାଟ୍, ମାରି ନାନ୍ ପାଉଲ ଆବେଣି ଅରେନ୍ ବିସ୍ବାସ୍ତି ସେବାକିନିକିନ୍ଦା ଆତାମାନା ।

ମଣ୍ଡଲିଦୁ ପାଉଲତି ସେବା ପାଣି

୨୪ ନାନ୍ ମି ଉଣ୍ଡିଙ୍ଗ ଆମାଞ୍ଜିନ୍ତୁ ଦୁଃକ୍‌କାସୁ କିଜିନା, ଆୟାଉଣ୍ଡିଙ୍ଗ ଇଲେଇ ଝେଡ଼ିକା କିଜିନା, ମାରି କ୍ରିସ୍ତଦି ଆମା ଦୁଃକ୍‌କାସୁ ମାରି ମାନାଦେ, ଆକା ନାନ୍ ଝାନି ମେନ୍‌ଲତିଝାଜା ମଣ୍ଡଲିଦି ଉଣ୍ଡିଙ୍ଗ ନା ମେନ୍‌ଲତାନ୍ ପୁରା କିନି ଉଣ୍ଡିଙ୍ଗ ସାକା କିଜିନା ।

୨୫ ମି ନେଗି ଉଣ୍ଡିଙ୍ଗ ଇୟା ପାଣି କିଦେଙ୍ଗ୍ ନାନ୍ ମାପୁରୁଦି ମାଣାନ୍ ମଣ୍ଡଲିଦି ଅରେନ୍ ସେବାକିନିକାନ୍ ଝାଜା ଆସ୍କିତାମାନାନ୍ । ଝାନି ସୁସମାଚାର ପୁରାଦାନ୍ ପ୍ରଚାର କିନିକା ନା ପାଣି,

୨୬ ଆୟା ସୁସମାଚାର ଉନ୍‌ଡ୍ରୁ ମାର୍‌ଗିତି ମାଟା, ପୁର୍ବେଦିକାଡାଦୁ ପୁର୍ବେଦିତକରା ଦାଦାରିମାଣୁକୁ ମାର୍‌ଗିତା ମାର୍‌ହାଡ, ମାତର୍ ଇଲେଇ ଝାନି ସାଦୁରି ଲାକ୍‌ତୁ ଝେଙ୍ଗ୍ ସିକିତା ମାନାନ୍ ।

୨୭ ମାପୁରୁ ଅଣଜିହୁଦି ଲୋକା ଲାକ୍‌ତୁ ଆୟା ମାର୍‌ଗିତିମାର୍‌ଇ ମାଟା ଝେର୍‌ତେଙ୍ଗ୍ ବଦା କିତାନ୍, ଝାନି ଇୟା ନାଣ୍ଡଦାରା ମାରି ଗୌରବ୍‌ତି ମାଟା ସାରା ଦୁନିଆଦି ଲୋକା ଉଣ୍ଡିଙ୍ଗ ନେଗିକା । ଆୟା ସତ୍ତି ମାଟା ଆଜିନାଡ, ମି ମାନ୍‌ବା କ୍ରିସ୍ତ ମାନାନ୍ । ଇୟାତାନି ଅର୍ତ୍ତ, ମିର୍ ମାପୁରୁଦି ଗୌରବ୍‌ତୁ ମିସାତିମାନିଦେର୍ ।

୨୮ ଆୟାଉଣ୍ଡିଙ୍ଗ ମାପୁ ଝିଜେରି ଲାକ୍‌ତୁ କ୍ରିସ୍ତଙ୍ଗ ପ୍ରଚାର କିଜିନାପ, ମାରି ଝିଜୁ ଲୋକାଙ୍ଗ୍ ସେତେନା ମାରି ପୁରା ବୁଦି ଝାଲେ ସିକିୟା ସିଜିନାପ, ଏଣ୍ଡେସ୍ ମାପୁ ଝିଜୁ ଲୋକାଙ୍ଗ୍ କ୍ରିସ୍ତଦି ଝାଲେ ମିସା କିଜି ଅରେନ୍ ପୁରାନେଗି ଲୋକ୍ ଝାଜା ମାପୁରୁଦି ଆଗ୍‌ଡି ତାତେଙ୍ଗ୍ ଆର୍‌ନାପ ।

୨୯ ଇୟାତାନିଙ୍ଗ ପୁରା କିନି ଉଣ୍ଡିଙ୍ଗ ନା ମାନ୍ ପାଣିସିନିସାକ୍ତି ମାନିଙ୍ଗ କ୍ରିସ୍ତସିତିମାନି ପେରି ସାକ୍ତିଦିଙ୍ଗ୍ ବ୍ୟବ୍‌ଆର୍ କିଜିନାନ୍ ସାନିଜିନିଝାଜା ସେସ୍ତା ନି କାସ୍ତାପାଣି କିଜିନା ।

୨

୧ ମି ଉଣ୍ଡିଙ୍ଗ, ଲାଅଦିକିଆଦି ଲୋକ୍ ମାରି ନାଙ୍ଗ୍ ନିଜେଦିଙ୍ଗ୍ ତିନିସକିଇ ମାନି ଝିଜୁ ଲୋକା ଉଣ୍ଡିଙ୍ଗ ନାନ୍ ଜେ ଏସା କାସ୍ତାପାଣି କିଜିନା, ଇକା ମିର୍ ନେସ୍‌ନିଦେର୍ ଇଜିନା ଇଙ୍ଗା ।

୨ ନା ଉଦେସ୍ ଇକା, ଏଣେସ୍ ମିର୍ ଝିଜୁଲୋକୁ ଝେଡ଼ିକା ଆନିଦେର୍, ମାରି ଝାର ନିଜେନିଜେଦି ଝାଲେ ଜିବନ୍‌ନୋନିମାନୁ ମିସାନିଦେର୍ ମାରି ସଡ଼ତି ବୁଦି ପୟଜି ସଡ଼ତିଝାଜା ଝିଜୁ ଦନ୍ତି ପୁରା ଅଦିକାରି ଆନିଦେର୍, ଇୟାଉଣ୍ଟିଙ୍ଗ୍ ମିର୍ ଝିଜିଦେର୍ ନେସ୍‌ନିଦେର୍ ଜେ, କ୍ରିସ୍ତନେ ମାପୁରୁଦି ଆୟା ମାର୍ଗିତିମାନି ମାଟା ।

୩ ଜିସୁ କ୍ରିସ୍ତ ଆଜିନାନ୍ ଆୟା କୁସିକାଣ୍ଡି, ଆମାକା ମାପୁରୁଦି ବୁଦି ମାରି ବୁଦିଝାଜା ଝିଜୁ ମାର୍ଗିତିମାନି ଦନ୍ତି ଗୁଦାମ୍ ରେନାନ୍ ।

୪ ଏନ୍ ଏଣେସ୍ ମିଙ୍ଗ୍ ସାଲକିଦାନ୍ ବାଣ୍ଡିସ୍ କିମାକିନ୍ । ଆୟାଉଣ୍ଟିଙ୍ଗ୍ ନାନ୍ ଇକା ଝେର୍ସିନା ।

୫ ଇରିଙ୍ଗ୍ ନାନ୍ ମୋନ୍‌ଲ୍‌ତାନ୍ ସିଲେତିଙ୍ଗ୍ ବା, ଆମ୍‌ଦାନ୍ ନାନ୍ ମି ଝାଲେ ମାନା । କ୍ରିସ୍ତଦି ମୁସ୍‌କୁ ଡାଟ୍‌ତାନ୍ ବିସ୍‌ବାସ୍ ଇଡ଼ଜି ମିର୍ ଏଣେସ୍ ସାନ୍ତି ଆତିମାନିଦେର୍, ଆକା ସୁଡ଼ଜି ନାନ୍ ଝେଡ଼ିକା ଆଜିନା ।

କ୍ରିସ୍ତ ନି ଜିବନ୍ତି ପୁରାଆତିକା

୬ ମାରି, କ୍ରିସ୍ତ ଜିସୁଙ୍ଗ୍ ପ୍ରବୁ ଝାଜା ମାନାତିମାନିଦେର୍, ଆୟାଈସାବ୍‌ତାନ୍ ଝାନି ଝାଲେ ମିସାଜି ଜିଜି ମାଡ଼ିଦୁ,

୭ ମି ଝେଲେଙ୍ଗ୍ ଝାନି ମୁସ୍‌କୁ ଡାଟ୍‌ତାନ୍ ତିଆର୍ କିଜ ଜିବନ୍ ତିଆର୍ କିଦୁ ମାରି ମିର୍ ପୟତିମାନି ସିକିୟା ଈସାବ୍‌ତାନ୍ ବିସ୍‌ବାସ୍‌ତୁ ନାଣ୍ଡି ସାନ୍ତି ଆଦୁ । ମି ଜିବନ୍ ଦନ୍‌ସବାଦ ସିନିମାନୁ ବଡ଼ ଆପିଡ଼ ।

୮ ଜାଗାର୍‌ତା, ଏନ୍ ଏଣେସ୍ ମିଙ୍ଗ୍ ଲୋକ୍‌ତି ବାୟାକିନିନାନି ବେକାର୍‌ତି ବୁଦିଦାନ୍ ବେମ୍‌ରି କିଏନ୍ । ଆୟାଝିଜୁ ବୁଦି କ୍ରିସ୍ତଦି ସିକିୟାଦାନ୍ ରେଏଡ଼ ମାନାଡ଼ । ଆକା ଲୋକା କୁଟୁମ୍‌ତାନ୍ ରିତିନିୟମ୍‌ତି ସିକିୟା ମାରି ସାରାଦୁନିଆ ମୁସ୍‌କୁ ସାସନ୍ କିଜିମାନି ଦୁବେଙ୍ଗ୍‌ଆଙ୍ଗ୍ ସାନ୍ତି ସିକିୟାଦି ପଲ୍ ।

୯ କେବଲ୍ ଲୋକାଝାଜା କ୍ରିସ୍ତଦିମାନୁ ନେଗି ଗୁଣ୍ ପୁରାବଡ଼ ଡେବାତାମାନାଡ଼ ।

୧୦ ଝାନି ଝାଲେ ମିସାତିମାନିଙ୍ଗ୍ ମିର୍ ଜିବନ୍‌ତୁ ପୁରାବଡ଼ ପୟତିମାନିଦେର୍ । ଆଇ ଝିଜୁ ସାନ୍ତି ମାରି ଅଦିକାର୍ ମୁସ୍‌କୁ କ୍ରିସ୍ତଦି ସାସନ୍ ନେ ପେରିକା ।

୧୧ କ୍ରିସ୍ତଦି ଖାଲେ ମିସାଜିମାନି ଜିବନ୍ ନେ ମି ସୁନ୍ନତ ଖାଜା । ଇୟା ସୁନ୍ନତ ଲୋକକିତିକା ଆଏଡ଼, ଆକା କ୍ରିସ୍ତଦିମାଣୁକୁ ଆତାମାନାଡ଼ । ଆକା ଲୋକକିତିକା ପାପବତ ମାନି ମୋହଲ୍‌ତି ଝିନ୍ନୁ ସାଲ୍ଲିଦାନ୍ ଡିସିସ୍ କିନାଡ଼ ।

୧୨ ☆ଇରିଙ୍ଗ ଡୁବନ୍ ଅତି ମାଣକୁ ମିର୍ କ୍ରିସ୍ତଦି ଖାଲେ ମୁସାତିମାରୁଇଦେର୍ ମାରି ଆମା ମାପୁରୁ ଖାନିଙ୍ଗ ସାତିଝାରି ମାଣୁକୁ ନିକତାନ୍, ଖାନି ପାଣିକିତିମାନି ସାଲ୍ଲିଦାନ୍ ବିସବାସ୍ କିଜି କ୍ରିସ୍ତଦି ଖାଲେ ମିର୍ ବା ମାରିଡେସିନିଙ୍ଗିତି ମାନିଦେର୍ ।

୧୩ ☆ମି ପାପ ଉଣ୍ଡିଙ୍ଗ ମାରି ମିର୍ ନିୟମ୍‌ତାନ୍ ଝେର୍‌ଏ ଆଜି ଅଣଜିହୁଦି ମାନିଙ୍ଗ ଉନ୍‌ଡି ଦେବା ମିର୍ ଜିବନ୍‌ତାନ୍ ସାତି ମାରୁଇଦେର୍; ମାତର୍ ମାପୁରୁ ଇଲେଇ କ୍ରିସ୍ତଦି ଖାଲେ ମିଙ୍ଗି ବା ଜିବନ୍ କିତାମାନାନ୍; ମାପୁରୁ ମା ଝିନ୍ନୁ ପାପ୍ କେମା କିତାମାନାନ୍ ।

୧୪ ☆ଖାନ୍ ମା ବିରୁଦ୍‌ତାନ୍ ମାନି ନିୟମ୍‌ତି ଆକୁ ମାରି ଇୟାତାନି ନିତିନିୟମ୍‌ତିଙ୍ଗ କୁସକାଟ୍‌ତୁ ଡସି ମା ମାଣାନ୍‌କୁ ଆକ କିତାମାନାନ୍ ।

୧୫ ମାରି ଆୟା କୁସକାଟ୍ ମୁସକୁ କ୍ରିସ୍ତ ଝିନ୍ନୁ ରକମ୍‌ତି ସାଲ୍ଲି ମାରି ଅଦିକାର୍‌ତାନ୍ ନିଜେଦିଙ୍ଗ ମୁକୁଡାତା ମାନାନ୍ ମାରି ଝାରିଙ୍ଗ ଜଲ୍‌ଲୁଟୁ ନିରିସି ନିଜେଦି ଜିଣାନି ସନି ସାରିଦୁ ଲୋକା ଆଗଡି ଝାରିଙ୍ଗ ସେମାର୍ କିତାମାନାନ୍ ।

୧୬ ☆ଏନ୍ ମି ଉଣିକା, ତିନିକା, ପବିତ୍ରଦିନ୍ ମାରି କଡ଼କିଲେନ୍ନୁ ପଣ୍ଡୟ, ମାରି ରମ୍‌ନିଦିନ୍ ବିସୟ୍‌ତାନ୍ ଇନି ନିୟମ୍ ବିଚାର୍ କିମାକିର୍ ।

୧୭ ଆୟାଝିନ୍ନୁ କେବଲ ଖାଜିନିଦିନ୍‌ତୁ ଗଟାଦେଙ୍ଗ ସୋଲ୍‌ସିମାନି ବିସୟ୍‌ତି ନିଡିଗା ଖାଜା; କ୍ରିସ୍ତନେ ଝିନ୍ନୁ ବିସୟ୍‌ତୁ ସଡ଼ତିକାନ୍ ।

୧୮ ଆମାକାର୍ ବିସେସ୍ ସୁଣିକା ସାଲାକିଦି ସାନ୍ତି ମାରି ମୁସକୁପୁରତି ଦୁଡ ପୁଜା ମୁସକୁ ଦିୟାନ୍ ସିଜି ନିଜେଦିଙ୍ଗ ପେରିକାର୍ ଇନାର୍, ଝାରିଙ୍ଗ ସୁଡ଼ି ମିର୍ ନିଜେଦିଙ୍ଗ ଇସିକାନ୍ ଇଜି ଅଡ଼ିବିମାଟ୍ । ଇୟାଖାଜା ଲୋକୁ ନିଜେଦିଙ୍ଗ ଲୋକା ବିସୟ୍ ସିନ୍ତାଦାନ୍ ବେକାର୍‌ତି ଗର୍ବଦାନ୍ କେଇନିକା ଆଜି ତେବାନାର୍ ।

☆ ୨:୧୨ ରୋମିୟ ୨:୪. ☆ ୨:୧୩ ଏପିସିୟ ୨:୧-୫. ☆ ୨:୧୪ ଏପିସିୟ ୨:୧୫.

☆ ୨:୧୬ ରୋମିୟ ୧୪:୧-୭.

୧୯ ☆ମୋହଲ୍‌ତି ତାଲାଦି ଖାଜା କ୍ରିସ୍ତଦିମାଣୁକୁ ଖାର ଖେରଏ ଆତାମାନାର୍ । ତାନି ସାଲାକିନି ମୋହଲ୍‌ତିକୁ ଗାଟିଙ୍ଗ୍ ମାରି ସିରେଙ୍ଗ୍ ମିରେଙ୍ଗ୍ ଦାନ୍ ନିଜେନିଜେଦି ଖାଲେ ମିସାଜି ମଟାଆନେ ମାରି ମୋହଲ୍ ମାପୁରୁଦି ମାଟା ଇସାବ୍‌ତାନ୍ ପିରିଏନ୍ ।

କ୍ରିସ୍ତଦି ଖାଲେ ସାନିକା ମାରି ଜିନିକା

୨୦ ମିର୍ ଜଦି କ୍ରିସ୍ତଦି ଖାଲେ ସାତି ମାନିଦେର୍ ମାରି ଇୟା ଦୁନିଆଦି ସିକିୟାଦାନ୍ ମୁସ୍‌କୁ ସାସନ୍ କିଜିମାନି ସାକ୍ତିଆଙ୍ଗ୍ ମାଣ୍‌କୁ ମୁକୁଡାତିମାନିଦେର୍ । ଆର୍‌ତିଙ୍ଗ୍ ଏନ୍ଦା ମିର୍ ଦୁନିଆଦି ଲୋକା ଖାଜା ଜିବନ୍ କାଟେକିଜିନିଦେର୍ ? ଏନ୍ଦା ମିର୍ ଇୟାଖାଜା ରାତିନିୟମ୍ ମାନାଜିନିଦେର୍,

୨୧ “ଇକା ଆସ୍‌ମାଟ୍, ଆକା ଉଣୁମାଟ୍, ଆକା ମୁଟ୍‌ମାଟ୍ ?”

୨୨ ଇୟାଞ୍ଜିକୁ ବିସୟ୍ ଡିଜିନିକା । ଇକା ବ୍ୟବହାର୍ ଆନି ଦାପେ ଦାପେ ଦାରାସିଲିକା ଆନାଡ୍ । ଇୟାଞ୍ଜିକୁ କେବଲ ଲୋକ୍ ତିଆରକିତି ନିୟମ୍ ମାରି ସିକିୟା ।

୨୩ ମାରିବା ମୁସ୍‌କୁପୁରତି ଦୁଡ୍ ପୁଜା, ସାଲାକିଦି ଦାମ୍ ମାରି ଆମାକାସ୍ କିନି ଉଣ୍ଡିଙ୍ଗ୍ ଖେରସିମାନି ଇୟାଞ୍ଜି ନିୟମକୁ ନାଣ୍ ବୁଦିଦାନ୍ ନେସ୍‌ତାମାନା ଇଜି ଏଡ୍ ଖାନାଡ୍; ମାତର୍ ମୋହଲ୍‌ତି ପାଣିଦିଙ୍ଗ୍ ନାସ୍ କିନି ଉଣ୍ଡିଙ୍ଗ୍ ଇୟାଖାନିକା ସାକ୍ତି ସିଲେଡ୍ ।

୩

୧ ମିର୍ ଏସକାଙ୍ଗ୍ କ୍ରିସ୍ତଦି ଖାଲେ ସାତିମାଣୁକୁ ନିଙ୍ଗ୍ ମାନିଦେର୍, ଆଦେଙ୍ଗ୍ ମୁସ୍‌କୁପୁରତି ବିସୟ୍‌ତି ଉଣ୍ଡିଙ୍ଗ୍ ମନ୍ ସିଦୁ, ଇରିଙ୍ଗ୍ କ୍ରିସ୍ତ ମୁସ୍‌କୁପୁରତୁ ମାପୁରୁଦି ଉଣି ତରିନ୍ ବାସ୍‌ତାମାନାନ୍ ।

୨ ଦୁନିଆଦି ବିସୟ୍‌ତି ଉଣ୍ଡିଙ୍ଗ୍ ମନ୍ ସିଏଣ୍‌ଗା ମୁସ୍‌କୁପୁରତି ବିସୟ୍ ଉଣ୍ଡିଙ୍ଗ୍ ମନ୍ ସିଦୁ ।

୩ ଇରିଙ୍ଗ୍ ମିର୍ ସାତି ମାନିଦେର୍, ମାରି ମି ଜିବନ୍ ମାପୁରୁଦିମାନ୍ କ୍ରିସ୍ତଦି ଖାଲେ ନେଗେନ୍‌ତାନ୍ ମାନାଡ୍ ।

୪ ମା ଜିବନ୍ ଝାଜା ଜେ କ୍ରିସ୍ତନେ, ମାରି ଏସ୍ତ୍ରିଝାଲେ ଝାନ୍ ତରାୟାଆନାନ୍, ନାସ୍ତ୍ରିଝାଲେ ମିର୍ ବା ଝାନି ଝାଲେ ଗୌରବ୍‌ତାନ୍ ତରାୟାଆନିଦେର୍ ।

ପାଡ଼ିଇକା ନି ପୁନି ଜିବନ୍

୫ ମି ଜିବନ୍‌ତୁ ପାଣିକିନିକା ଦୁନିଆଦି ପାଣିଙ୍ଗ୍ ଅର୍ତ୍ତାତ୍ ଦାରିପାଣି, ତାର୍‌ଗ୍‌ସିନ୍ତା, ମନ୍‌ତୁ ଲାଲାୟାଆନିକା, ଲାଲାୟାଆନିକା ମାରି ଲବ୍‌ତିଙ୍ଗ୍ ମିର୍ ସାପିସ୍ କିଦୁ । ଲବ୍ ବମା ପୁଜାଦି ଉନ୍‌ଡ଼ି ରୁପ୍ ।

୬ ଇୟାଞ୍ଜିକୁ ବିସୟ୍‌ତୁ ମାନ୍‌ଜି ଆମାକାର୍ ମାପୁରୁଙ୍ଗ୍ ମାନାଏର୍, ଝାରି ମୁସ୍‌କୁ ମାପୁରୁ ରିସା ଆନାନ୍ ।

୭ ଅର୍‌ଲେନ୍ ମିର୍ ବା ଇୟାଞ୍ଜିକୁ ବିସୟ୍‌ତୁ ମାନ୍‌ଜି ଆୟାଝାଜା ଜିଜି ମାଡ଼ିଜି ମାର୍‌ଇଦେର୍ ।

୮ ମାତର୍ ଇଲେଇ ମିର୍ ବା ଇୟାଞ୍ଜିକୁ ବିସୟ୍‌କୁ ଇନ୍‌ଡ୍ରେଙ୍ଗ୍ ସରିଙ୍ଗ୍ : ରିସା, ଆକାର୍, କାଡ଼ନିକା ଡିସ୍‌ଡେଙ୍ଗ୍ ପଡ଼ାନାତ୍ । ମି ଝେୟୁଦାନ୍ ତାର୍‌ଇ ମାଟେଙ୍ଗ୍ ମାରି ତାର୍‌ଇ ବାସା ମୁଡ଼ୁକେ ଇନ୍‌ମାଟ୍ ।

୯ ✧ ନିଜେନିଜେଦିଙ୍ଗ୍ ମିର୍ ଇନ୍‌ମାଟ୍, ଇରିଙ୍ଗ୍ ମିର୍ ପାଡ଼ିଇ ଗୁଣୁ ମାରି ତାନି ବ୍ୟବ୍‌ହାର୍ ଡିସ୍‌ତିମାନିଦେର୍,

୧୦ ✧ ମାରି ପୁନି ଗୁଣ୍ ଆସ୍‌ତିମାନିଦେର୍ । ଲୋକ୍‌ତି ଇୟା ପୁନିପାଣି, ତିଆରକିତି ମାପୁରୁ ନିଜେଦି ମୁତ୍ ଇସାବ୍‌ତାନ୍ ପାଣି କିଜିନାନ୍ । ଇୟାଉଣ୍ଡିଙ୍ଗ୍ ମିର୍ ଝାନି ବିସୟ୍‌ତାନ୍ ପୁରା ବୁଦି ପୟ୍‌ଜିନିଦେର୍ ।

୧୧ ଇୟାଝାଜା ଜିହୁଦି, ଅଣଜିହୁଦି, ସୁନ୍‌ତ ମାରି ଅସୁନ୍‌ତ, ନିଜେଦି ଦେସ୍, ଆଇଦେସ୍, ଗତିମୁରୁଲି ମାରି ଆରେଏମାନି ଲୋକ୍‌ତି ଲୋଇ ଆମାଇନି ଅଲଗା ସିଲେଡ୍ । ମାତର୍ କ୍ରିସ୍ତ ଓଜେରିମାନୁ ମାନାନ୍ ମାରି ଝାନ୍ ଆଜିନାନ୍ ଓଜୁଓଜୁନେ ।

୧୨ ✧ ମାରି, ମିର୍ ମାପୁରୁଦି ଲୋକୁ । ଝାନ୍ ମିଙ୍ଗ୍ ଜିବନ୍‌ନୋଜି ନିଜେଦି ଉଣ୍ଡିଙ୍ଗ୍ ଆସ୍‌କିତାମାନାନ୍ । ଆଦେଙ୍ଗ୍ ମିର୍ ସିଡ଼ିଡ଼ି ଜିବନ୍, ଦୟା, ସାନ୍ତି, କରୁଣା ମାରି ସାହାସ୍‌ତିନାନି ଆଙ୍ଗ୍ ଆରାଦୁ ।

୧୩ ☆ନିଜେନିଜେଦି ଉଣ୍ଡିଙ୍ଗ ମିସାବିଡ଼ା ଆଦୁ, ମାରି ଜଦି ଆଇ ଏମେଝାନି ବିରୁଦ୍ଧତାନ୍ ଇନି ମାଟା ମାରୁଇଙ୍ଗା, ଆରୁତିଙ୍ଗ ନିଜେନିଜେଦିଙ୍ଗ କେମା କିଦୁ । ପ୍ରବୁ ଏଣ୍ଡେସ୍ ମିଙ୍ଗା କେମା କିତାମାନାନ୍, ମିର୍ ବା ଆୟାଝାଜା ନିଜେନିଜେଦିଙ୍ଗ କେମା କିଦୁ ।

୧୪ ମାରି ଇୟାଝିକୁ ଗୁଣ୍ଡୁ ଖାଲେ ଜିବନ୍ନୋନିକା ମିସାକିଦୁ । ଜିବନ୍ନୋନିକା ଝିକୁ ବିସୟତିଙ୍ଗ ମିସାକିଜି ଉନ୍ତେମାନୁ କିନାଡ଼ ।

୧୫ କ୍ରିସ୍ତସିତିମାନି ସାନ୍ତି ମି ଜିବନ୍ତିଙ୍ଗ ସାଲାକିପିଡ଼; ଇରିଙ୍ଗ ଇୟା ସାନ୍ତି ଉଣ୍ଡିଙ୍ଗ ମାପୁରୁ ମିଙ୍ଗା ଅରେସ୍‌ଝାଜା ଉନ୍ତେ ମେନ୍‌ଲ୍ ଆନି ଉଣ୍ଡିଙ୍ଗ କୁକ୍‌ତାମାନାନ୍ । ଝିକୁଦିନ୍ ଦନ୍‌ସବାଦ୍ ସିଦୁ ।

୧୬ ☆କ୍ରିସ୍ତଦି ବାକ୍ୟ ନାଣ୍ଡଦାନ୍‌ନାଣ୍ଡ ମି ଜିବନ୍ତୁ ବାସା କିପିଡ଼; ମିର୍ ନିଜେନିଜେଦିଙ୍ଗ ପୁରା ବୁଦିଦି ଖାଲେ ସିକିୟା ମାରି ସତେନେ ସିଦୁ । ମାରି ଆମ୍ବିକ ମାପୁରୁଦି ଉଦେସ୍‌ତାନ୍ ପାଟା ପାରୁଦୁ, ଆରାଦନା କିଦୁ, ମାରି ଦନ୍‌ସବାଦ୍‌ଦାନ୍ ଝେଡ଼ିକାଦି ଜିବନ୍ତାନ୍ ପାଟା ପାରୁଦୁ ।

୧୭ ମାରି, ବାକ୍ୟ ସିଲିତିଙ୍ଗ ପାଣିଦାନ୍ ମିର୍ ଆମାକା ଇନିକା କିଦୁ, ଆୟାଝିକୁ ପ୍ରବୁ ଜିସୁଦି ଦରତାନ୍ କିଜି ଖାନିମାଣୁକୁ ବୁବା ମାପୁରୁଙ୍ଗୁ ଦନ୍‌ସବାଦ୍ ସିଦୁ ।

ପୁନି ଜିବନ୍ତୁ ନିଜେଦି ମିସାବିଡ଼ାନିକା

୧୮ ☆ଏ ଆଇମେକ୍, ମି କନ୍‌ଲିରି ଆଡ଼ଗି ତେବାଦୁ, ଇରିଙ୍ଗ ପ୍ରବୁ ଜିସୁ କ୍ରିସ୍ତଦି ଝେନ୍‌କାସନି ଖାଜା ଇକା ମି ପାଣି ।

୧୯ ☆ଏ କନ୍‌ଲିରି, ନିଜେ ନିଜେଦି ଆଇମେକାଙ୍ଗୁ ଜିବନ୍‌ନୋଦୁ, ଖାନିକା ଉଣ୍ଡିଙ୍ଗ ତାଗ୍‌ଇ ବ୍ୟବ୍‌ହାର୍ କିମାଟ୍ ।

୨୦ ☆ଏ କଡ଼ର୍ ଆଇଲିକ୍, ଝିକୁଦିନ୍ ମି ବୁବା ଯାୟାରି ମାଟା ଆସୁଡୁ, ଇକା ମି କ୍ରିସ୍ତନ୍‌ତି ପାଣି, ଇରିଙ୍ଗ ଇବେନ୍‌ ମାପୁରୁ ଝେଡ଼ିକା ଆନାନ୍ ।

୨୧ ☆ଏ ବୁବାୟାୟାର୍, ନିଜେ ନିଜେଦି କଡ଼ରିଙ୍ଗ ରିସା କିମାଟ୍, ଏଣ୍ଡେସ୍ ଖାର୍ ଝେଡ଼ିକା ଆସର୍ ।

☆ ୩:୧୩ ଏପିସିୟ ୪:୩୨. ☆ ୩:୧୬ ଏପିସିୟ ୫:୧୯, ୨୦. ☆ ୩:୧୮ ଏପିସିୟ ୫:୨୨;

୧ ପିତର ୩:୧. ☆ ୩:୧୯ ଏପିସିୟ ୫:୨୫; ୧ ପିତର ୩:୬. ☆ ୩:୨୦ ଏପିସିୟ ୬:୧.

☆ ୩:୨୧ ଏପିସିୟ ୬:୪.

୨୨ ☆ଏ ଗତିମୁରୁଲିର, ଝିନ୍ନୁ ବିସୟତୁ ମି ମାଲିକ୍କା ମାଟା ଆସତୁ । ଝାର ମି ଉଣ୍ଡିଙ୍ଗ ସୁଡ଼ୁ ମାନିଝାଲେ ଝାରିଙ୍ଗ ଝେଡ଼ିକା କିନି ଉଣ୍ଡିଙ୍ଗ ସିଲେ, ମାତର୍ ପ୍ରବୁଦି ଉଣ୍ଡିଙ୍ଗ ମି ତିଲାଏତାନ୍ ତିର୍ ଜିବନ୍ତାନ୍ ଇକା କିଦୁ ।

୨୩ ମିର୍ ଆମାକା ଇନିକା କିନିଦେର୍, ପ୍ରବୁଦି ଉଣ୍ଡିଙ୍ଗ କିତି ଝାଜା ଜିବନ୍ତି ଝାଲେ ଆକା କିଦୁ, ଲୋକା ଉଣ୍ଡିଙ୍ଗ କିତି ଝାଜା କିମାଟ୍ ।

୨୪ ମନେଇଡ଼ୁ, ମାପୁରୁ ତାମି ଲୋକା ଉଣ୍ଡିଙ୍ଗ ଆମାକା ଇଟାମାନାନ୍, ଆକା ଝାନ୍ ମିଙ୍ଗ ପୁରସ୍ସାର ଝାଜା ସିନାନ୍ । ମିର୍ ପ୍ରବୁ କ୍ରିସ୍ତଦିଙ୍ଗନେ ସେବା କିଜିନିଦେର୍ ।

୨୫ ☆ମାରି ଏନ୍ ଅନ୍ୟାୟ କିନାନ୍, ଝାନ୍ ନିଜେଦି ଅନ୍ୟାୟଦି ବାଦ୍ଲୁ ଦଣ୍ଡ ପୟନାନ୍; ଇରିଙ୍ଗ ମାପୁରୁ ସାମାନ୍ତାନ୍ ଝିଜେରି ବିଚାର କିନାନ୍ ।

୪

୧ ☆ଏ ମାଲିକ୍କୁ, ମୁସ୍କୁପୁରତୁ ମି ଉଣ୍ଡିଙ୍ଗ ବା ପ୍ରବୁ ମାନାନ୍ ଇଜି ନେସ୍ସି ନିଜେ ନିଜେଦି ଗତିମୁରୁଲିଙ୍ଗ ଉଣ୍ଡିଙ୍ଗ ନ୍ୟାୟ ମାରି ସାମାନ୍ତାନ୍ ସୁଡ଼ୁ ।

ଆଇଆଇ ମାଟେଙ୍ଗ

୨ ଝିନ୍ନୁଝାଲେ ପାରତାନାଦାନ୍ ଜିଜି ମାଡ଼ିଦୁ ମାରି ମାପୁରୁଦି ଦନ୍ୟବାଦ୍ କିଜି ପାରତାନାଦୁ ଜାଗାର୍ତା ତେବାଦୁ ।

୩ କ୍ରିସ୍ତଦି ମାର୍ଗିତି ମାଟା ପ୍ରଚାର କିନି ଉଦେସ୍ତାନ୍ ମାପୁରୁ ଏଣ୍ଡେସ୍ ମାଙ୍ଗ ସାରି ସିନାନ୍, ଆୟାଉଣ୍ଡିଙ୍ଗ ବା ପାରତାନା କିଦୁ । ଆମା ବାକ୍ୟ ପ୍ରଚାର କିତି ଉଣ୍ଡିଙ୍ଗ ନାନ୍ ଇଲେଇ ଜଇଲ୍ଲୁ ମାନା ।

୪ ପାରତାନା କିଦୁ, ଏଣ୍ଡେସ୍ ନାନ୍ ଟିକ୍ତାନ୍ ମାରି ନେଗେନ୍ତାନ୍ ଆକା ପ୍ରଚାର କିଦେଙ୍ଗ ଆଟ୍ନା ।

୫ ☆ସୁଜୋଗ୍ତି ସଡ଼ ବ୍ୟବହାର କିଜି ଅବିସ୍ବାସ୍ତାରି ଲୋକା ଲାକ୍ତୁ ବୁଦିଦାନ୍ ନେଗେନ୍ତାନ୍ ସାଲାବୁଲାଦୁ ।

୬ ମି ମାଟା ଝିନ୍ନୁଦିନ୍ ଦୟା ଝାଜା ସାଝି ମାରି ମୋନ୍ତିଙ୍ଗ ଝେଡ଼ିକାକିନିକେଙ୍ଗ ଆପିଡ଼ । ଝିଜେରିଙ୍ଗ ଏଣ୍ଡେସ୍ ଟିକ୍ ଉତର୍

ସିଦେଙ୍କ ଆଟ୍‌ନିଦେର୍, ଇୟା ମାଟା ମିର୍ ନେସ୍‌ନିକା ଦର୍‌କାର୍ ମାନାଡ଼ ।

ସାରାସାରି ମାଡ଼ିସ୍‌କିନିକା

୭ ✠✠ଲାଡ଼ି ତଡ଼ାନ୍, ପ୍ରବୁଦି ପାଣିବୁ ବିସ୍‌ବାସ୍‌ତି ସେବାକିନିକାନ୍ ମାରି ନା ଖାଲେ ଅର୍‌ସେ ସେବାକିନିକାନ୍ ଜେ ତୁକିକ, ଖାନ୍ ନା ଝିନ୍ତୁ ବିସୟ୍‌ ମିଙ୍ଗ୍ ଝେର୍‌ନାନ୍;

୮ ମାପୁ ଏଣ୍‌ସେସ୍ ମାନାପ, ଝିନ୍ତୁ ବିସୟ୍‌ ଝେର୍‌ସି ମିଙ୍ଗ୍ ଝେଡ଼ିକା ସିନି ଉଣ୍ଡିଙ୍ଗ୍ ନାନ୍ ଖାନିଙ୍ଗ୍ ମି ଲାକ୍‌ତୁ ପୋକ୍‌ତାଜିନା ।

୯ ✠ଖାନି ଖାଲେ ନାନ୍ ବିସ୍‌ବାସ୍‌ତି ମାରି ଲାଡ଼ି ତଡ଼ାନ୍ ଅନିସିମସ୍‌ଦିଙ୍ଗ୍ ପୋକ୍‌ତାତା, ଖାନ୍ ମି ଲୋଇରାନ୍ ଅରେନ୍ । ଖାର୍ ମିଙ୍ଗ୍ ଇୟା ବାଡ଼ିବୁ ଗଟାଜିମାନି ଝିନ୍ତୁ ମାଟା ଝେର୍‌ନାନ୍ ।

୧୦ ✠ନା ଖାଲେ ଅର୍‌ସେ ଜଇଲ୍‌ତୁ ମାର୍‌ଇ ଆରିସ୍‌ୟାର୍‌ସ୍ ମାରି ଖାନି ଖାଲେ ବର୍ଣ୍ଣବାଦି କୁଟୁମ୍‌ତି ତଡ଼ାନ୍ ମାର୍କ୍ ବା ମିଙ୍ଗ୍ ନମସ୍‌ୟାର୍ ଜାଣେକିଜିନାନ୍ । ମାର୍କ୍ ମି ଲାକ୍‌ତୁ ଖାଡ଼ିଙ୍ଗ୍ ଖାନିଙ୍ଗ୍ ନେଗେନ୍ କୁକ୍‌ତୁ, ଇୟା ଆଦେସ୍ ମିଙ୍ଗ୍ ଆଗ୍‌ଡ଼ିରାନ୍‌ନେ ଝେର୍‌ତାମାନାର୍ ।

୧୧ ମାରି, ଯୁସ୍ତ ଦର୍‌ଦାନ୍ ଜାଣାସିନା ଯିହୋଶୁୟ୍ ବା ମିଙ୍ଗ୍ ନମସ୍‌ୟାର୍ ଜାଣେକିଜିନାନ୍; କ୍ରିସ୍‌ୟାନ୍ ଦର୍‌ମ୍ ମାନାତିମାନିକାର୍ କେବଲ୍ ଇୟା ମୁଏର୍ ଜିହୁଦି ମାପୁରୁଦି ରାଜି ଉଣ୍ଡିଙ୍ଗ୍ ନା ଖାଲେଅର୍‌ସେ ପାଣିକିନିକାନ୍ ଆଜି ନାଙ୍ଗ୍ ନାଶ୍ଟି ସାହାଜ୍ୟ କିତାମାନାର୍ ।

୧୨ ✠ମି ଦଲ୍‌ତି ମାରି ଅରେନ୍ ଲୋକ୍ ମାରି କ୍ରିସ୍ତ ଜିସୁଦି ସେବାକିନି ଏପାପ୍ରା ବା ନମସ୍‌ୟାର୍ ଜାଣେକିଜିନାନ୍ । ଏଣ୍‌ସେସ୍ ମିର୍ ଟିକ୍ ମାରି ମାପୁରୁଦି ଝିନ୍ତୁ ବଦା ବିସୟ୍‌ତାନ୍ ପୁରା ମାନାଜି ତାଟ୍ କ୍ରିସ୍ତ ବିସ୍‌ବାସି ଖାଜା ଦୁଙ୍ଗ୍‌ଏଣ୍‌ଗା ନିନ୍‌ଡ୍ରେଙ୍ଗ୍ ଆଟ୍‌ନିଦେର୍, ଆୟାଉଣ୍ଡିଙ୍ଗ୍ ଖାନ୍ ଝିନ୍ତୁଦିନ୍ ମାପୁରୁଦି ଲାକ୍‌ତୁ ସାନିଜିନିଖାଜା ସାକ୍ତିଦି ପାର୍‌ତାନା କିଜିନାନ୍ ।

✠ ୪:୭ ପ୍ରେରିତ ୨୦:୪; ୨ ଡିମତି ୪:୧୨. ✠ ୪:୭ ଏପିସିୟ ୬:୨୧,୨୨. ✠ ୪:୯ ପିଲିମନ ୧:୧୦-୧୨. ✠ ୪:୧୦ ପ୍ରେରିତ ୧୯:୨୯; ୨୭:୨; ପିଲିମନ ୧:୨୪ପ୍ରେରିତ ୧୨:୧୨,୨୫; ୧୩:୧୩; ୧୫:୩୭-୩୯. ✠ ୪:୧୨ କଲସିୟ ୧:୭; ପିଲିମନ ୧:୨୩.

୧୩ ଇରିଙ୍ଗ୍ ଖାନ୍ ମି ଉଣ୍ଡିଙ୍ଗ୍ ମାରି ଲାଅଦିକିଆ ମାରି ହିଏରାପଲିଦି ଲୋକା ଉଣ୍ଡିଙ୍ଗ୍, ଖାନ୍ କିତିମାନି କାସ୍ତୁପାଣି ବିସୟତାନ୍ ନାନ୍ ନିଜେ ଇୟା ସାକ୍ୟ ଝେର୍ସିନା ।

୧୪ ☆ଲାଡ଼ି ତାନ୍ତର୍ ଲୁକ ମାରି ଦିମା ମିଙ୍ଗ୍ ନମସ୍ତାର୍ ଜାଣେକିଜିନାର୍ ।

୧୫ ଲାଅଦିକିଆଦୁ ମାନି ତଡ଼ାନ୍କୁ ନି ତାଙ୍ଗ୍ କି, ତାଙ୍ଗ୍ ନୁମ୍ଫା ମାରି ତାମି ଇନ୍ତ୍ର ଉନ୍ତେମାନୁ ଆଜିମାନି ମଣ୍ଡଲିଦି ଝିଜେରିଙ୍ଗ୍ ମା ନମସ୍ତାର୍ ଜାଣେକିଦୁ ।

୧୬ ମାରି, ମିର୍ ଏଣ୍ଡେସ୍ ଇୟା ଆକୁ ପଡ଼ାତି ଝିସ୍ତିଙ୍ଗ୍ ଲାଅଦିକିଆ ମଣ୍ଡଲିଦୁ ବା ଏଣ୍ଡେସ୍ ଇକା ପଡ଼ାଦେଙ୍ଗ୍ ଆର୍ନାର୍, ମାରି ଲାଅଦିକିଆଦି ମଣ୍ଡଲିଦି ତଡ଼ାନ୍କୁ ନି ତାଙ୍ଗ୍ କି ମି ଲାକ୍ତୁ ଆମା ଆକୁ ପୋକ୍ତାନାର୍, ଆକା ମିର୍ ବା ଏଣ୍ଡେସ୍ ପଡ଼ାଦେଙ୍ଗ୍ ଆର୍ନିଦେର୍, ଇୟାଉଣ୍ଡିଙ୍ଗ୍ ଜାତୁନ୍ ଆଦୁ ।

୧୭ ☆ମାରି ଆକ୍ ପତିଙ୍ଗ୍ ଝେର୍ନି, “ପ୍ରବୁଦି ସେବା କିନି ଉଣ୍ଡିଙ୍ଗ୍ ମିଙ୍ଗ୍ ଆମା ଦାଉଡ଼ ସିଆୟାତାମାରାଡ଼, ଆକା ଏଣ୍ଡେସ୍ ଖାଜାବା ଝିସ୍ତୁ ।”

୧୮ ନାନ୍ ପାଉଲ ନା ନିଜେଦି କିୟୁଦାନ୍ ଇୟା ନମସ୍ତାର୍ ରାସ୍ସିନା । ନା ଜଇଲ୍ତି ଅବସ୍ତାଦିଙ୍ଗ୍ ବାଣାମାର୍ ।

ମାପୁରୁଦି ଦୟା ମି ଝିଜେରି ଲାକ୍ତୁ ମାନିଡ଼ ।

ମାପୁରୁଦି ସବ୍ ବାକ୍ୟ

The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

506ae627-08e2-556a-b39e-5315f886d95a